

Bosna i Hercegovina

Federacija BiH

Kanton Sarajevo

Skupština Kantona Sarajevo

41.Radna sjednica

n/p predsjedavajuće, prof. Ana Babić

ZASTUPNIČKO PITANJE

Nedavno je rektor Univerziteta Sarajevo, u svome javnom nastupu govorio da Vlada Kantona Sarajevo ima namjeru da iz Budžeta za 2018. godinu finansira **prijem 150 novih osoba, nastavnog kadra po fakultetima u sastavu Univerziteta u Sarajevu**, kako bi se na taj način dao doprinos razvoju naučno-istraživačkog rada. Isto tako, uvaženi rektor Univerziteta u Sarajevu je iskoristio priliku da istakne da će se posebno voditi računa o multi-etničkom sastavu primljenih kandidata iz programa »150«. Kako su informacije relativno neprecizne i šture tražimo od resornog ministarstva obrazovanja KS, da putem Rektorata ili na drugi način odgovori na sljedeća pitanja:

1. Ko, kada i na koji način vrši prijem novih 150 osoba, nastavnog kadra po fakultetima?
2. Da li tako nešto podrazumijeva raspisivanje konkursa, ako jeste, ko ga, kada i gdje misli objaviti, odnosno ako je objavljen gdje ga je ko tačno objavio, molimo kopiju konkursa?
3. Na koji način se misli osigurati multietnički sastav 150 novih kadrova u nastavnom procesu, odnosno da li će o tome računa voditi Rektorat, fakulteti ili neko treći?
4. Molimo da nam se dostavi spisak svih 150 primljenih kandidata, u tabelarnom prikazu po fakultetima, kako bismo se mogli uvjeriti u stvarnu multi-etničnost primljenih kandidata.
5. Molimo, također, da nam se dostavi tabelarni spisak po fakultetima svih zaposlenih profesora, viših asistenata i asistenata, odnosno osoba uključenih u nastavni proces, kako bismo sagledali:
 - a) sadašnji multi-etnički karakter nastavnog kadra po fakultetima

- b) spriječili da fakulteti apliciraju unutar programa 150 novog nastavnog kadra, na način da svoje već zaposlene osobe prebace u taj program kako bi sebi stvorili povoljniju finansijsku situaciju.

Sarajevo, 24.04.2018.

Segmedina Srna Bajramović
Zastupnica SDP BiH u SKS